



DET KONGELIGE
KOMMUNAL- OG REGIONALDEPARTEMENT

Jostedalen Nasjonalparksenter
6799 OPPSTRYN

Deres ref.

Vår ref.
13/708-17

Dato
31.07.2013

Statsbudsjettet 2013 - Kap. 552, post 72 - Tilsegn om tilskot på inntil 2 295 000 kroner til Jostedalsbreen Nasjonalparksenter, Bulyst ved nasjonalpark; attraktive arbeidsplassar – Bulyst 2013

Tilsegningsnummer: 13242070

Vi viser til:

- Utlysing av bulystmidlar på www.regjeringa.no/bulyst
- Søknad frå Jostedalsbreen Nasjonalparksenter

Kommunal- og regionaldepartementet (KRD) gir med dette tilskot på inntil 2 295 000 kroner til prosjektet Bulyst ved nasjonalpark; attraktive arbeidsplassar i regi av Jostedalsbreen Nasjonalparksenter i 2013. Dette er ei eingongsløyving for heile prosjektperioden. Prosjektet kan ikkje rekne med ytterlegare medfinansiering frå KRD.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Utvikling av attraktive regionar og sentra for folk og næringsliv er viktig for å nå distrikts- og regionalpolitiske mål. Dei 49 prosjekta som er valde har ulik innretting, ulike tema og stor geografisk spreining. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom

Postadresse

Kontoradresse

Saksbehandler

<http://www.krd.dep.no/> postmottak@krd.dep.no Sentral: 22 24 90 90

Org. nr. 972 417 858

bulystsatsinga. Vi ser fylkeskommunane som ein heilt sentral nettverksbygger og regional tilretteleggjar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for prosjekta. Vi ynskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med lokal- og regional utvikling.

Kompetansesenteret for distriktsutvikling (Distriktssenteret) har ei sentral rolle i arbeidet med bulyst, både når det gjeld kunnskapsbygging og formidling. Prosjektansvarlege bør òg bruke www.distriktssenteret.no. Det er ein viktig portal for å finne erfarings- og forskingsbasert kunnskap frå andre satsingar og prosjekt.

Vedlagt finn de ein rettleiar frå Norsk senter for bygdeforskning om lokal samfunnsutvikling. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi har også lagt ved eit hefte frå Distriktssenteret som oppsummerer kunnskapen Distriktssenteret har om gode grep i lokalt utviklingsarbeid.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til KRD og Distriktssenteret. Vi ynskjer at prosjekta skal vere synlege, både lokalt, regionalt og nasjonalt.

Mål for prosjektet Bulyst ved nasjonalpark; attraktive arbeidsplassar

Jostedalsbreen nasjonalparksenter i Stryn skal i dette bulystprosjektet skape auka bulyst gjennom å skape næringsutvikling og kompetansesarbeidsplassar knytt til bruk av naturen i ei bygd med nasjonalpark.

Prosjektet handlar ikkje om utbygging av senteret, men skal styrke attraktiviteten til området rundt nasjonalparken. Dette skal mellom anna gjerast gjennom styrka marknadsføring av senteret, utvikling av aktivitet som bidreg til heilårsarbeidsplassar og betre forankring av nasjonalparken og verdien av dette i lokalsamfunnet.

Prosjektet skal bidra til å auke kompetansen om moglegheiter for utvikling av næring knytt til nasjonalparken og kople bedrifter, lokalbefolkning og etablerarar. Nasjonalparken skal bli meir tilgjengeleg gjennom formidling av kunnskap som legg grunnlaget for opplevingar og guiding.

Kostnadsoverslag

Prosjektet har eit totalbudsjett på 4 590 000 kroner. KRD gjev tilsegn om inntil 2 295 000 kroner over kap. 552, post 72 i 2013.

Følgjande budsjett ligg til grunn for tilskotet, for heile prosjektperioden fram til 2015:

Kostnadsplan

Tittel	2013	2014	2015	2016	2017	SUM
Kontorleige	30 000	60 000	60 000			150 000
Kontorutgifter porto, tlf mm	15 000	30 000	30 000			75 000
Kurs for å høge standard i sikkerheit		50 000	100 000			150 000
Marknadsføring messe, workshop		120 000	150 000			270 000
Møte og reise	35 000	70 000	70 000			175 000
Møteutgifter	30 000	60 000	60 000			150 000
Nasjonalt seminar			350 000			350 000
Prosjektleiing og medarbeidarar	300 000	700 000	700 000			1 700 000
språkkurs,vertskapskurs, marknadsføringskurs mm	20 000	50 000	50 000			120 000
Studieturar	50 000	200 000	200 000			450 000
Tilrettelegginger rasteplassar	110 000	110 000	130 000			350 000
Utvikling av kart for heilårlege aktivitetar			200 000			200 000
utvikling av marknadsplan og marknadsaktivitetar		80 000				80 000
web og sosiale media fellesprofil			200 000			200 000
Ymse	50 000	60 000	60 000			170 000
Sum kostnad	640 000	1 590 000	2 360 000			4 590 000

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningsliner for posten på www.regjeringen.no/krd/retningslinjer.

Høvet til EØS-regelverk

Kommunal- og regionaldepartementet har vurdert det slik at Jostedalsbreen Nasjonalparksenter i denne samanhengen ikkje utøvar økonomisk aktivitet og at Jostedalsbreen Nasjonalparksenter ikkje skal sjåast som eit føretak i EØS-avtalens forstand for dette prosjektet. EØS-avtalens reglar om offentleg støtte kjem dermed ikkje i bruk på tilskotet.

Vi ber Jostedalsbreen Nasjonalparksenter vere merksam på at dersom Jostedalsbreen Nasjonalparksenter vidareformidlar heile eller delar av tilskotsbeløpet til andre aktørar må Jostedalsbreen Nasjonalparksenter halde seg til reglene om offentleg stønad.

Jostedalsbreen Nasjonalparksenter bør også vere merksam på at dersom det vert gjort endringar i prosjektet vil dette kunne føre til at aktiviteten i prosjektet endrar karakter

frå å vere ikkje-økonomisk til å være økonomisk. I slike høver vil reglane om offentleg stønad kunne kome til nytte.

Vilkår for utbetaling av midlar:

1. Jostedalsbreen Nasjonalparksenter må innan 1. september 2013 stadfeste ovanfor departementet at det er aktuelt å gjennomføre prosjektet, og at tilskotet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må òg innehalde opplysningar om kva kontonummer pengane skal overførast til.
2. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
3. Det skal førast spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarande. Tilskotsmidlar som departementet har utbetalt kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

Rapportering og kontroll

Læring og erfaringsoverføring er eit sentralt mål for bulystsatsinga. Difor ber vi dykk leggje vekt på god rapportering av prosjektarbeidet, både undervegs og med ein eigen sluttrapport.

Alle prosjekt som får støtte skal sende inn ein årleg rapport til departementet. Denne skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema.

Vi ber om at den første, årlege rapporten vert sendt til departementet seinast 24. april 2014. De finn eit eige rapporteringsskjema som skal nyttast til rapporteringa på www.regjeringen.no/bolyst. Papirkopi av skjemaet er òg lagt ved dette brevet.

Utbetaling

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (etterskottsutbetaling). Dokumentasjon av utgifter bør følgje den årlege rapporteringa.
3. Den siste delen av tilskottet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (etterskottsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
 - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
 - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Tilskottet er gyldig i tilsagnsåret, og dei to påfølgjande åra. Prosjektet må vere avslutta slik at siste utbetaling frå departementet kan gjerast seinast innan utgangen av 2015. Utbetalingsoppmoding må sendast til departementet innan 1. desember 2015.
7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.

Ved kontakt med departementet om utbetaling må tilsegningsnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.

Kommunal- og regionaldepartementet ber om at følgjande opplysningar blir sende til postmottak@krd.dep.no:

- Stadfesting på at prosjektet vert gjennomført og på at medfinansiering er på plass
- Behov for eventuell førehandsutbetaling
- Kontonummer og oppmodingar om utbetalningar (sjå under "Utbetaling").
- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ynskjer dykk lykke til med prosjektet.

Med helsing

Eli Nygaard (e.f.)
fung. avdelingsdirektør

Anne Benedicte Akre
seniorrådgiver

Dette dokumentet er elektronisk godkjent og sendes uten signatur.

Vedlegg:

- Rettleiar i lokal samfunnsutvikling
- [Rapporterings skjema for bulyst \(word\)](#)
- Lokalt utviklingsarbeid

Kopi:

Distriktssenteret - Kompetansesenter for distriktsutvikling Olsen, Kirsten Stryn kommune	Ogndalsveien 2	7713	STEINKJER
Riksrevisjonen Sogn og Fjordane fylkeskommune	Postboks 8130 Dep Fylkeshuset	6783 0032 6863	STRYN OSLO LEIKANGER